

AUGLÝSING

um starfsleyfi fyrir móttöku spilliefna hjá Sorpeyðingu höfuðborgar- svæðisins b.s., Gufunesi, Reykjavík.

1. Almenn ákvæði.

- 1.1. Starfsleyfi þetta gildir fyrir móttöku, flokkun, pökkun og flutning spilliefna (umhverfismengandi efna og efnaúrgangs) hjá Sorpeyðingu höfuðborgarsvæðisins b.s., Gufunesi, Reykjavík.
- 1.2. Mengunarvarnir Hollustuverndar ríkisins geta, að höfðu samráði við Heilbrigðiseftirlit Reykjavíkur, lagt til við umhverfisráðherra, að starfsleyfi þetta verði endurskoðað, ef í ljós kemur hættu á skaðlegum áhrifum á heilsufar almennings eða röskun lífríkis, frá starfseminni.
- 1.3. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.4. Fyrirtækinu er skylt að sjá um, að fyllstu snyrtimennsku og góðrar umgengni sé gætt á athafnasvæði fyrirtækisins.
- 1.5. Við athafnasvæði fyrirtækisins skulu vera skilti með greinilegri áletrun um afgreiðslutíma þess og hvar móttaka efna fer fram.
- 1.6. Koma skal í veg fyrir óviðkomandi umferð á athafnasvæði spilliefnamóttökunnar. Athafnasvæði fyrirtækisins skal vera girt með öryggisgirðingu. Á girðingu skulu vera hlið sem læst eru utan afgreiðslutíma fyrirtækisins. Öryggisgæsla, t.d. með búnaði sem gefur til kynna óviðkomandi umferð, skal vera á svæðinu allan sólarhringinn.
- 1.7. Fyrirtækið skal í samvinnu við viðkomandi sveitarfélög og heilbrigðiseftirlit kynna starfsemi sína fyrir almenningi og fyrirtækjum.
- 1.8. Óski fyrirtækið eftir því að gera umtalsverðar breytingar á rekstrinum, skal sækja um nýtt starfsleyfi til Hollustuverndar ríkisins, í samræmi við ákvæði mengunarvarnareglugerðar nr. 389/1990.
- 1.9. Komi fram mengun, frá starfsemi fyrirtækisins, sem ekki er í samræmi við gögn sem lögð eru fram með umsókn um starfsleyfi ber fyrirtækinu að stöðva áframhaldandi mengun á sinn kostnað, og hreinsa þá mengun sem þegar hefur orðið.
- 1.10. Ákvæði laga nr. 81/1988, um hollustuhætti og heilbrigðiseftirlit, mengunarvarnareglugerðar nr. 389/1990 svo og alþjóðasamningar um flutninga og förgun spilliefna sem Ísland hefur staðfest og mun staðfesta, gilda um starfsemi fyrirtækisins eftir því sem nánar er fyrir mælt í starfsleyfi þessu.

2. Ákvæði til varnar mengun ytra umhverfis.

- 2.1. Fyrirtækið skal annaðhvort sjálft eða með samningum við verktaka koma upp aðstöðu til reglubundinnar innsöfnunar spilliefna hjá fyrirtækjum sem þess óska. Jafnframt skal komið upp á þjónustusvæði fyrirtækisins, á heppilegum stöðum, móttökustöðvum, þar sem almenningur getur skilað spilliefnum. Móttökuaðstaða þessi skal ávallt vera læst nema þegar opnað er fyrir þjónustu við einstaka viðskiptavini.
- 2.2. Við flokkun, pökkun og merkingu skal fara eftir þeim reglum sem um slíkt gilda hverju sinni.
- 2.3. Öll meðhöndlun og pökkun efna skal eftir því sem unnt er vera innan dyra, í húsi sérstaklega hönnuðu með tilliti til öryggisþátta til þessarrar starfsemi. Öryggisherbergi, hannað m.a. með tilliti til sprengihættu, skal vera í húsinu. Þar skal vera aðstaða til að meðhöndla mjög hættuleg efni.
- 2.4. Sérstök ídræg efni skulu jafnan vera til staðar til að hreinsa upp olíu- og leysiefnaúrgang sem hafa farið til spillis.

- 2.5. Fráveita frá húsinu skal vera lokuð. Öll fljótandi spilliefni sem kunna að fara niður skal fanga í lokaða tanka, þaðan sem hægt er að ná þeim til baka.
- 2.6. Magni efna innanhúss skal ávallt halda í lágmarki og takmarka við það sem er í flokkun og þökkun hverju sinni. Geyma skal efni, sem bíða flutnings til förgunar í gámum utandryra. Gámar sem bíða flutnings skulu standa á vökvaheldu plani. Einnig skal allur flutningur spilliefna innan athafnasvæðis fyrirtækisins fara fram á vökvaheldu plani.
- 2.7. Fráveitu frá gámastæði skal leiða í safntank sem hægt er að loka. Hafi spilliefni farið niður skal fráveitu lokað, sýni tekin úr tanki og efnainnihald þeirra greind. Sé um mengun að ræða skal förgun fara fram í samráði við Mengunarvarnir Hollustuverndar ríkisins. Óheimilt er að geyma spilliefni á gámastæði utan vinnutíma, nema fullfrágengin og þökkuð til flutnings.
- 2.8. Verktakar í þjónustu fyrirtækisins skulu í öllu fara eftir ákvæði starfsleyfis þessa þar sem slíkt á við. Þeir aðilar sem annast flutninga á spilliefnum fyrir fyrirtækið skulu hafa til þess viðurkenndan búnað. Fyrirtækið skal upplýsa viðkomandi heilbrigðiseftirlit um störf verktaka. Viðkomandi heilbrigðisnefnd veitir verktökum starfsleyfi.
- 2.9. Spilliefni, sem flutt eru frá fyrirtækinu, og ekki eru á lista, sbr. gr. 2.10., yfir efni/úrgang sem heimilt er að farga eða eyða með öðrum hætti, skal flytja í viðurkennda förgunarstöð.
- 2.10. Óski fyrirtækið, hvað einstök efni/úrgang varðar, að beita öðrum aðferðum en um getur í 2.9., svo sem urðun, efnameðhöndlun eða brennslu á stöðum sem ekki eru sérstaklega ætlaðar til eyðingar/förgunar spilliefna, skal sækja um leyfi til Hollustuverndar ríkisins. Efni/úrgangur, sem Hollustuvernd ríkisins samþykkir að farga megi annars staðar en í viðurkenndri förgunarstöð skulu sett á sérstakan lista, sem stofnunin gefur út. Í lista þessum skal tilgreina hvaða förgunaraðferðum megi beita í einstökum tilfellum.

3. Eftirlit.

- 3.1. Reglulegt viðhald í samræmi við áætlun þar um, skal vera á öllum öryggis- og mengunarvarnabúnaði fyrirtækisins.
- 3.2. Á hverri vinnuvakt fyrirtækisins skal starfa vaktstjóri sem hefur góða þekkingu á öllum búnaði og starfsreglum fyrirtækisins. Vaktstjóri skal einnig hafa þekkingu á ákvæðum starfsleyfis þessa og þeim lögum og reglum sem um starfsemina gilda. Eintök af starfsleyfi og viðkomandi lögum og reglum skulu ávallt liggja frammi á vinnustað. Einnig skal fyrirtækið tilnefna fulltrúa sem eftirlitsaðilar, eða aðrir, geta haft samband við ef þörf krefur utan afgreiðslutíma fyrirtækisins.
- 3.3. Við móttöku efna í Gufunesi skal skrá tegund þeirra, efnasamsetningu, þyngd, þökkunarflokk, nafn og heimilsfang þess sem efnið er tekið til meðhöndlunar fyrir. Fyrirtæki sem afhenda efni til móttökustöðvarinnar skulu fá kvittun fyrir afhendingu þeirra þar sem sömu upplýsingar koma fram. Einnig skal halda skrá yfir efni, samsetningu þeirra, þyngd og þökkunarflokk spilliefna sem send eru til eyðingar. Heilbrigðiseftirlit á starfssvæði stöðvarinnar og Hollustuvernd ríkisins skulu hafa aðgang að upplýsingum sem skráðar eru hjá móttökustöðinni, þegar þess er óskað.

4. Gjaldskylda.

- 4.1. Starfsemi þessi er í fyrsta gjaldskrárflokki samkvæmt viðauka nr. 8. í mengunarvarnareglugerð nr. 389/1990. Gjald þetta skal standa undir kostnaði við sérhæft eftirlit Hollustuverndar ríkisins, sbr. 3. kafla reglugerðarinnar.

5. Gildistaka.

- 5.1. Starfsleyfi þetta, sem er veitt skv. 8. kafla mengunarvarnareglugerðar nr. 389/1990, sbr. lög nr. 81/1988, um hollustuhætti og heilbrigðiseftirlit, öðlast þegar gildi.

Umhverfissráðuneytið, 16. maí 1991.

Eiður Guðnason.

Sigurbjörg Sæmundsdóttir.

GJALDSKRÁ

um sorphirðu fyrir Seltjarnarnes árið 1991.

1. gr.

Bæjarstjórn Seltjarnarness er heimilt að leggja á sérstakt sorpuhirðugjald árið 1991.

2. gr.

Gjald fyrir 1991 er kr. 3 000,00 á hvern stað sem hreinsað er frá, og er innheimt með fasteignagjöldum.

3. gr.

Ofangreind samþykkt bæjarstjórnar Seltjarnarness er hér með staðfest skv. lögum nr. 81/1988 um hollustuhætti og heilbrigðiseftirlit og gildir frá 1. janúar 1991.

Umhverfissráðuneytið, 16. maí 1991.

Eiður Guðnason.

Sigurbjörg Sæmundsdóttir.

GJALDSKRÁ

um sorphirðu í Hafnarfirði árið 1991.

1. gr.

Hafnarfjarðarbæ er heimilt að innheimta árið 1991 sorphirðugjald kr. 5 000,00 vegna förgunar neysluúrgangs, sem til fellur í sveitarfélaginu sbr. gr. 6.2.1. í mengunarvarnareglugerð nr. 389/1990.

2. gr.

Gjaldið skal lagt á hverja íbúð í sveitarfélaginu og innheimtist með fasteignagjöldum. Gjald dagar og eindagar eru þeir sömu og fasteignagjalda.

3. gr.

Gjaldskrá þessi, sem samin er af bæjarsjóði Hafnarfjarðar, sbr. 22. gr. laga nr. 81/1988 um hollustuhætti og heilbrigðiseftirlit, er hér með staðfest og gildir frá 1. janúar 1991.

Umhverfissráðuneytið, 16. maí 1991.

Eiður Guðnason.

Sigurbjörg Sæmundsdóttir.